

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ŠTAB CIVILNE ZAŠTITE

Broj: 15-40-4-3326-9/20
Bihać, 23.03.2020.godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), člana 23. Pravilnika o načinu rada i funkcioniranja štabova i povjerenika CZ („Službene novine Federacije BiH“, broj: 77/06, 05/07 i 42/14), te Odluke o proglašenju stanja prirodne nepogode na području Unsko-sanskog kantona, broj:03-017-1532/2020 od 20.03.2020. godine, Kantonalni štab civilne zaštite na sjednici održanoj dana 23.03.2020. godine, donosi:

N A R E D B U

I

Naređuje svim gradskim/općinskim štabovima civilne zaštite na području Unsko-sanskog kantona da pozovu i da im se na raspolaganje stave predstavnici lokalnih JU i JP, kao i predstavnici vjerskog, kulturnog i sportskog života općina i gradova, te da sa istima u okviru svojih nadležnosti uspostave jasne procedure djelovanja i koordinacije u pravcu poduzimanja preventivnih mjera i saniranja posljedica izazvanih koronavirusom COVID-19 na području svojih lokalnih zajednica.

II

Naređuje svim gradskim/općinskim štabovima civilne zaštite na području Unsko-sanskog kantona da imenuju štabove civilnih zaštita mjesnih zajednica na prostoru svoje lokalne zajednice.

Imenovani štabovi civilnih zaštita mjesnih zajednica imaju obavezu da, uz jasno uspostavljene procedure djelovanja upućene od strane gradski/općinski štabova civilne zaštite, nadziru osobe kojima su izdata rješenja o samoizolaciji ili zdravstvenom nadzoru zbog preventivne zaštite od koronavirusa COVID-19, te da u saradnji sa savjetima mjesnih zajednica pružaju pomoć u snadbjevanju namirnicama građana starije životne dobi i građana za koje se iskaže potreba, kao i ostalih neophodnih radnji usmjerenih na sprječavanje i suzbijanje posljedica po zdravlje stanovništva u uslovima pandemije koronavirusa COVID-19.

III

Za provođenje ove Naredbe odgovorni su komandanti gradskih/općinskih štabova civilne zaštite, a za neprovođenje iste biće sankcionisani u skladu sa zakonskim propisima.

Izveštaj o poduzetim mjerama i radnjama, kao i uspostavljenim procedurama djelovanja i koordinacije dostaviti Kantonalnom Štabu civilne zaštite u roku 24 sata.

IV

Ova Naredba stupa na snagu danom donošenja.

